



39
süssen milch vñ vñ den her-
ten stainen dz süsse honige.
Als man liest von sant **S**tef-
fan. dz im die herten staine
als süsse warent dz es wun-
der w. **A**lvs wurdet die hai-
ligen vollekomen in grosser
arbeit vñ in not. **D**u and-
tugend dz ist gehorsam wi-
der den willen. **W**er sol mu-
des danken dz ich gehorsam
bin d' dinge d' ich gerne tã
d' mich es ioch nit hiesli. dz
ist ab vil grössers lones wt
dz ich götlich gehorsam bin
der dinge die wid' minē wil-
len sint. **D**a von spricht sãt
Gregori. **I**r sont gehorsam
sin des ewigen vatters son
von hymelriche. **D**a spricht
sant **p**avol. dz vnser herte
Ihs xps sinem vatt' gehorsã
wz vntz an den tot. **I**v spre-
chent ir vil lihte. **E**r w. **G**ot
vñ all sin tugent warēt vol-
komen. dz sont ir wissen dz
er sinre leschaidenheit vñ
sinen tugenden nie we getet.
Aber den willen den er hatte

von menschlich nature vnd
sinre mēschait tet d' tot vnd
du mart also we so ie kam
menschlichen. **W**on daz spricht
sant **J**ohans. dz er von rechter
angest switzte blvtigē swais.
vñ bat er sinen vatter. si es din
wille so erla mich dirr mart.
Also dz din wille an mir wde
erfollet. **A**lvs sont wir lerne
gehorsam sin. vntz an den tot.
Als an der regel geschilē stat
So man gehorsam lobet. so
spricht man. **I**ch tōn an thais
vñ gelob gehorsam vntz an
nunen tot. **D**ilen an thais
sont wir vnserm hien stat
lan vntz an vnser ende. vnd
sont vnser mannschaft ge-
horsam sin an vnser hien
stette. **D**och sont wir vns sel-
ben nit toten in gehorsam.
Wir mugent aler vnserm lip
wol wagen doch also. dz wir
vns bas vsehent ze genesen
den ze sterlēne. **D**u dirr tu-
gend dz ist demvckait in eren.
Demvckait ist ain grösser tu-
gent an allen luten. doch ist